

Q. D. B. V.

DISSERTATIO INAUGURALIS
DE

SUDORE,

QUAM

RECTORE MAGNIFICENTISSIMO,
DN. FRIDERICO AUGUSTO,

ELECT. SAX. HEREDE,
EX AUCTORITATE ET BENIGNO INDULTU
Gratiosissimæ Facultatis Medicæ,

PRÆSIDE

DN. PAULO GOTTFR. SPERLINGIO,
Med. Doct. Anatom. ac Botan. Prof. Publ. longe celeberrimo,
nec non Archiatro Principis Servestani
splendidissimo,

DOMINO AC PATRONO SUO ÆTATEM DEVENERANDO,

PRO LICENTIA

GRADUM ET PRIVILEGIA

DOCTORIS

RITE OBTINENDI,

Ad d. IIX. Jul. MDCCVI.

HORIS CONSVETIS ANTE-ET POMERIDIANIS
IN AUDITORIO MAIORI,
PUBLICÆ PLACIDÆQUE PHILIATRORUM
DISQUISITIONI SUBMITTIT

JOHANNES KOCH, LIPSIENSIS.

VITEMBERGÆ, Literis CHRISTIANI GERDESII.



I.



uisquis variarum Excretionum,
in Corpore humano obvia-
rum, attendit negotia, ille flui-
darum corporis nostri parti-
um, & inprimis purpurei la-
ticis causa eas institutas esse,

& Massam sanguineam ope motus sui circularis,
& intestini, diversissimas partes, sulphureas, sali-
nas, aqueas, atque terreas, variis in locis, non
uno modo, deponere, & nitorem suum atque
consistentiam debitam conservare, deprehendit.
Modo enim in angustissimis utriusque renis tu-
bulis, abundantis & excrementitii feri portio cras-
sior, salino sulphurea, secreta, & in vesica colle-
cta, per urethram excernitur; Modo tenuiores
Lymphæ moleculæ, magis vaporosæ, cum aere,
inter expirandum, a bronchis pulmonum egre-
dien-

diente avolant , nobis vix advertentibus. Nunc
ferum, præter naturam inspissatum pulmonumque
cellulas & bronchos infarciens, in tussi salutariter
ejicitur ; in aliis intestinorum Tubus ad super-
flua lymphæ evacuationem non parum confert,
de quo diarrhææ testantur spontaneæ; Multi ma-
gnam lymphæ vitiosæ quantitatem, humido præ-
sertim coelo, in coryza e naribus effluentem ejici-
unt ; Et in naturali quoque statu miranda lym-
phæ subtilioris portio per corporis nostri Peri-
pheriam indefinenter eliminatur, modo sub va-
poris insensibilis specie, modo largius & in gutta-
rum forma, quæ cutis superficiem irrigant, & su-
dorem constituunt.

II.

Sudor itaque est, de cujus natura & usu, tam
in legitima & naturali machinæ corporeæ consti-
tutione, quam in morbofo & præternaturali ejus-
dem statu, brevissime agere jam constituimus.
Consideranda vero in hoc negotio nobis est, tum
materia, quæ, in sudore non minus ac in transpira-
tione insensibili, per poros cutaneos excernitur:
tum organa, quæ serosam illam humiditatem se-
gregant & transmittunt: nec non Principium mo-
vens, quod nunc majorem, nunc minorem, sangui-
nis

nis copiam in cutem & organa secretionis potest propellere.

III.

MATERIA, quæ per poros cutis secedit & sæpe sub guttarum forma fit conspicua, est serum sanguinis superfluum, five pars quædam sanguinis aquosa & tenuis, particulis plus minus salinis, terreis, sulphureis, paucissimis viscosis & gelatinosis, imbuta. Hac itaque ratione multum differt a lymphæ nutritia puriori, moleculis sulphureo-oleosis, gelatinosis & viscidioribus temperate abundante; Item a fluido isto puriori, quod per ductus salivales in ore & faucibus, pro ciborum humectatione & in gratiam futuræ digestionis, affluit. Porro quoque distat a liquore lymphatico, qui in pancreate elaboratus, per ductum peculiarem, pro intimiori partium chyli unione, & motu ejus, per vasa lactea facilitando, duodeni cavitati infunditur. Magis vero hoc humidum excrementitium accedere videtur ad naturam liquoris istius falso-aquei, qui singulis diebus in urinaria vesica collectus, e corpore per proprium canalem proficitur. Diversitas quidem coloris, odoris & saporis videntur contrarium svadere, quia color flavescent, odor urinosus & sapor aperte falsus, quæ lotio sunt propria, in excremento sudoris

ris desiderantur. Attamen hæc nondum sufficere de vintur, ad destruendam hanc opinionem, de communi utriusque liquoris materia, cum differentia ista, ex nimis pororum cutaneorum angustis, & nimia glandularum miliarium teneritudine, iure deducatur. Eructare enim poros & glandulas, quando magis dilatantur, quandoque sudorem, ab urina non multum diversum, experientia testatur, qua constat, sudorem interdum urinæ odore imbutum, & in arthritide vaga scorbutica, flavescenti colore tinctum, fuisse deprehensum. Communiter etiam, qui sudoribus diffluunt, & sic multum feri dispellunt, illi minorem urinæ quantitatem excernunt, & in quibus transpiratio libera, ob poros, a frigore, aut alia causa occlusos, impeditur, illi copiosam plerumque reddunt urinam, qualia exempla passim apud Practicos reperiuntur.

VI.

Partes, quæ excremento huic seroso permiscantur, sunt variæ, imprimis salinæ, quæ in scorbuticis potissimum & hypochondriacis facili negotio, mediante sapore, cognoscuntur, imprimis, si partes magis aquosæ discutiantur, ob quam causam cutim interdum erodit & ex fordidorum indu-

siorum

fiorum lixivio destillato, sal volatile, juxta nonnul-
los, elicitur. Testatur insuper, de hujus principii
præsentia, insignis ille in cute pruritus, qui in sudo-
ris eruptione a quibusdam observatur. De sul-
phureis vero partibus, sudorem constituentibus
& per poros cutis, una cum ferosis exhalantibus,
certiores nos facit odor gravis, qui nares ferit in-
terdum, & nauseam excitat, ac in graviore sanguinis
impuritate potissimum advertitur. Terreas ve-
ro partes manifestant sordes in Cute, & mucus
lenteaminibus adhærens, quæ in scorbuticis, post
propinata sudorifera, imprimis conspiciuntur.
Exemplum sudoris, terreis partibus abundantis,
in Medicina, mentis & corporis, Tract. II. part. III.
prostat, ubi sudor viri cujusdam Nobilis, cætera
sani, singulari ratione collectus, tertia fere parte in
duram & albicantem materiam, Tartaro Vini
non dissimilem, temporis tractu, dicitur concre-
visse. Cum itaque transitus particulis crassiori-
bus sanguinis & excrementitiis, per poros cutis,
sit concedendus, probabile omnino videtur, tene-
riores plurimas, etiam præter Naturam, in parti-
bus fluidis corporis nostri hærentes, eandem in-
venire viam; & subtilissimis quoque illis sangui-
nis partibus, quæ in Nervis continentur, & Spiri-
tum nomine veniunt, vias istas non esse invias,
easque

easque hic quoque, ut per papillas nerveas cutis, facili negotio in auras exhalare. Certiores enim, de jactura nobilioris hujus sanguinis partis, nos facit lassitudo corporis totius, & notabilis virium lapsus, quæ ex sudore nimio oriuntur, & in balneis, diutius protractis, atque hecticis potissimum conspiciuntur.

V.

Ex particularum autem, sudorem constituentium, diversitate, sudorum oritur differentia, aliusque limpidus, alius coloratus, flavus, viridis, ater, rubicundus & sanguineus observatur. Alius porro est insipidus, alius falsus, acidus, acris, rancidus & graveolens, atque hircum olens, qualem salacioribus communiter tribuunt; & interdum etiam frigidus, interdum calidus vel temperatus, effluit. Pendet autem hæc sudoris diversitas, a partibus diversis, excrementum hoc constituentibus, earumque varia textura & habitudine, atque Organorum, secernentium, angustia vel dilatatione.

IV.

Organa hujus liquoris secretioni inservientia, sunt pori cutis majores, & minores, atque glandulæ subcutaneæ, miliares a Figura & mole dictæ, quarum singulæ singulis poris Cutis subjacent, & quæli-

quælibet etiam arteria, vena, nervo, & vasculo excretorio, sudorifero dicto, gaudet, ob quam causam ad conglomeratas referuntur, quia, mediante peculiari isto ductu, humores serosi superflui, cum reliquis partibus admixtis, e corpore eliminantur, insensibiliter, si parcius sit illa sequestratio, vel in sudoris forma, si liquor simul quasi & semel effluit uberius. Testatur de præsentia pororum cutis, effectus iste laudabilis, quia oculis cernimus, in absterfa cute erumpere sudorem ex poris, si largior sit excretio; & Glandulæ ipsæ quodammodo incurrunt, si pars corporis, antea bene tecta, subito frigori exponatur. Cutis enim, primo glabra & mollis, post admissum aerem frigidum, statim aspera & inæqualis evadit, qualis est superficies Cutis in anseris deplumato. Elevantur quippe monticuli a restagnatione humoris, qui antea e cute tecta, sub forma vaporis, insensibiliter evolare consueverat, & nunc circa exteriorem cutis superficiem a frigore coercetur, atque ibi colligitur. Vasculum sudoriferum, quod ex glandulis his miliaribus exsurgit, in exteriori cutis superficie definit, & in foraminibus corporis mucosi & reticularis, quod Malpighius in parte Cutis exteriori, detecta Cuticula, observavit, continetur. An autem orificia vasculorum sudoriferorum tegantur

B

tur

tur & occludantur, ex parte a pelliculis incurvis in poris cutis & superficie ejus, quasi valvulis, quas laudatus Malpighius vidit, illud quidem non facile demonstrari potest; dilatari tamen interdum poros cutis, & vascula sudorifera hiare in sudore nimio, sanguineo, arenoso & sabuloso; atque contra constringi in defectu sudoris, nemo facile negaverit. Arteriolæ vero capillares, quæ glandulis his miliaribus inferuntur, humorem hunc excrementitium, vel potius, materiam saltim sudoris, una cum sanguine arterioso advehunt, eamque glandulis his infundunt, quæ, vasculorum sudoriferorum ope, partes superfluas, aquosas, et impuras, ex sanguine secernunt, easque ad peripheriam corporis propellunt. Possunt etiam spiritus in glandulis misceri huic lymphæ excrementitiæ, & per vascula excretoria, sudorifera æque, ac per papillas nerveas, in sudore nimio eliminari. Fibræ enim carneæ, quas glandulis vasculosis communiter tribuunt, expressioni & circulationi humorum, per teneram corpusculorum istorum substantiam, favent, eamque adjuvant, & ex parte, cum pelliculis, supra laudatis, moderantur. Venæ vero, quæ ex glandulis miliaribus egrediuntur, sanguinem superfluum revehunt, eumque ad vasa majora deducunt, & toti massæ sanguineæ infundunt.

VII.

Horum itaque organorum habitudo, & accuratius eorum examen, nos, de secretionis modo, reddunt certiores, quia reliquæ etiam glandulæ conglomeratæ eodem munere funguntur, & communiter, mediante peculiari ductu, certum liquorem a massa sangvineâ fecernunt. Pari itaque modo, in miliaribus glandulis, per similem translocationis speciem, sudorem e corpore effluere, arbitramur, ut non habeamus, cur Fermentum quoddam peculiare, & colliquationem aliquam massæ sangvineæ fingamus, illudque in glandulis hæerere admittamus.

IIX.

Cognita itaque sudoris materia, organisque & viis detectis, necesse est, ut, non minori cura, de Principio movente & causis simus solliciti, quæ operationem hanc peragunt, totius corporis conservationi, & imprimis fluidarum partium motui & purificationi, inservientem. Sponte enim sua, sine ullius alterius agentis concursu, per pororum ostia, effluere sudorem, nemo facile crediderit, cum reliquæ etiam secretiones, in corpore nostro, suo impellente principio gaudeant. Fieri autem omnes operationes & digestiones in nobis, me-

B 2

diante

dianthe motu, exinde facile potest judicari, quia, cessante sanguinis progressivo atque intrinseco motu, omnes secretiones in viventibus quiescunt & sufflaminantur. Legitimum ea propter fluidarum partium circuitum, & intrinsecam agitationem, præter convenientem solidarum partium figuram, huic quoque operationi inservire, nemo facile negaverit. Mediante enim cordis contractione, & arteriarum expansione, sanguis arteriosus, in omnes corporis partes propulsus, ad glandulas cutis miliares quoque defertur, & ibi a novo, per novum pulsum accedente, pressus, in venas adigitur, quoad partem vero serosam excrementitiam, in ductus eorum sudoriferos secedit, qui liquorem hunc, per poros cutis, in ejus superficiem effundunt, ubi modo in vaporem aquosum resolvitur: modo in guttarum forma conspicitur. Quo major itaque sanguinis arteriosi copia, ad has glandulas propellitur, & quo frequentiores cordis pulsus sunt, eo largius quoque profluit sudor, si serosæ partes in sanguine abundant, & non sunt viscidæ, atque viæ sufficienter patent.

IX.

Hunc vero sanguinis circulum, præter structuram cordis musculosam, & fibras ejus spirales, atque

atque intrinsecum particularum, imprimis magis
mobiliū, aerearum, ac sulphurearum appulsum,
promovet non parum subtilior illa sanguinis pars,
quæ in cerebri corticali parte secernitur, & spiri-
tuum animalium, vel lymphæ nervorum, nomine
venditur. Hi spiritus animales, per plexum car-
diacum a pari vago, & intercostalium ramos, ju-
giter in ipsam cordis substantiam influunt, & ejus
motum in naturali statu promovent, & quo magis
alacres & vegeti sunt, eo magis, juxta naturæ leges,
partes serosæ superflue e corpore eliminantur.
Ubi vero motus lymphæ hujus spirituosæ ad cor-
dis substantiam est nimius, vel imminutus, ibi
quoque circulus sanguinis vitium capit, & sudor,
vel in nimia quantitate propellitur, vel plane de-
ficit aut imminuitur. Interdum tamen a motu hoc
spirituum nimio, sanguinis motus progressivus &
intrinsecus exagitantur nimium, & vasa extendun-
tur, quod in continuis & intermittentium paro-
xismis, potissimum in statu, quandoque fit, &
tunc a vasis intumescantibus tenera vascula sudo-
rifera glandularum miliarium, ob nimiam cutis
expansionem, & pellicularum, orificia tubulorum
tegentium, tensionem, clauduntur, & lymphæ su-
perflue transitus, per poros cutis, evadit diffici-
lior. Non minus in Syncope copiose satis pro-
fluit

fuit sudor, etiamsi lymphæ nervorum ab operatione sua cesset, & partes rubicundæ sanguinis ad grumescentiam & quietem inclinent, quia fibræ nerveæ cutis, in hoc affectu, & pori cutis, cum pelliculis suis, nimium laxantur, & lymphæ, a cruore secedenti, transitum liberum concedunt. Ob similem forte rationem, sudor quandoque in demortuis profluxisse, fuit observatus, quale quid in pastore quodam, quarto post obitum die, contigisse, Ephemerides germanorum annotarunt. Quia tamen fluidæ hæ partes corporis nostri, lymphæ nervorum, atque massa sanguinea, quodammodo sunt partes continuæ, & se invicem premunt, ideo forte cujuslibet motus, motum alterius moderatur, & interdum sanguis Spiritus nimium exagitat, vel motum eorum tardiores reddit aut sufflammat; interdum vero spiritus sanguinis circulum simili modo turbant, in naturali sua agitatione.

X.

Imo ipsa Anima nostra, inter Causas Sudoris, locum videtur invenire, quia, ex unionis lege cum corpore, motus Spirituum percipit, & eos quoque pro lubitu commovet, ob quam rationem Fanatici, sola cogitatione, sudores copiosissimos
in

in corporibus suis sibi, pro lubitu, possunt prolicere. Sicuti vero animi motus; ita quoque corporis & membrorum agitatio transpirationi inserviunt, & qui in illis excedunt, quod in gravioribus laboribus observamus, Sudoribus tantum non diffluunt, quia a motu partium solidarum corporis nostri, fluidæ facili negotio exagitantur. Inprimis in acclivium locorum ascensu, & graviorum ponderum gestatione, si diutius continuetur labor, imo in quovis motu, qui cum majori labore conjungitur, largius profluit sudor, ob majorem partium fluidarum exagitationem. In his tamen excretionibus, quæ in corporis peripheria fiunt, semper ad dispositionem lymphæ totius est respiciendum, quæ, quo magis copiosa & fluidior, & acris est, eo promptius profluit, & causis antecedentibus obsecundat; quo magis vero deficit ac lenta est, vel partibus acidis, austeris, & adstringentibus scatet, eo minus ad motum est disposita, adeo ut interdum etiam fortiora sudorifera, in talibus subjectis, frustra exhibeantur.

XI.

Ob imperium animæ, in spiritus animales & humores corporis, oritur quoque sudor in quibusdam AFFECTIBUS animi, & inprimis in angore

gore animi, qui forte Fanaticorum, modo ad-
ductorum, modus est, sudorem cum tremore ar-
tuum proliciendi; idem in pudore, & timore vi-
demus, & in illis, qui gravioribus curis sunt di-
stricti, atque in iracundis, & quandoque etiam in
gravioribus doloribus, qui affectus animi omnes,
pro majori, vel minori, lymphæ dispositione ad
motum, & aeris circumiacentis rarefactione, vel
crassitie operantur. Qualis vero fuerit sudor ille
sangvineus sanctissimi Salvatoris nostri, nunquam
alioquin forte in homine, imprimis sano, notatus,
in quo, ob largam sanguinis profusionem, grumi
sanguinis in terram decidebant, vix possumus de-
terminare. De summo animæ angore quereba-
tur ipse Dominus, & potuit affectus ille, in quo
ob iram patris, usque ad mortem, supra huma-
num morem tristabatur, mire & plus, quam in
naturalibus fieri solet, turbasse circulum sanctissi-
mi sanguinis; videatur tamen nihilominus insu-
per, in ista lucta cum morte æterna, crudelissimæ
cujusdam mortis etiam æternæ speciem, nobis in-
explicabilem, sustinuisse. Sudor vero sangvineus
illius ægri, cujus Heerius Observ. 24. p. 270. me-
minit, quique cum pediculis rubicundis erat con-
junctus, a scorbutis & majori humorum corru-
ptione salibusque copiosis, est deducendus.

XII.

Inter Causas externas numerandus est Aer ambiens, qui, quo magis tenuis, rarus, & calidus est, eo magis poros Cutis aperit, & respiratione attractus, Circulum sanguinis citatiorem reddit, & hoc modo sanguinem arteriosum, in majori copia, ad glandulas miliares propellit, qui lympham superfluum ad vasa excretoria sudorifera protrudit. Æstate itaque, & in Balneis, sine assumpto diaphoretico, sponte & largius profluit sudor, cum contra, hyberno tempore, & Aeris tempestate existente nebulosa, difficilius sudorem proliciamus. Perinde vero est in balneis, quocunque modo Aeris ambientis constitutionem ad sudorem provocandum disponas, sive fiat in domunculo, mediante Spiritu Vini accenso, aut vapore aquæ ferventis, & filicibus ignitis; sive in conclavi spatioso, Calore fornacis, & aqua Calida, modo sufficienter aer ambiens calefiat. Idem faciunt Thermæ, & stragula, quæ effluvia exhalantia detinent, & coacervant, & mediantibus iis, aerem ambientem calefaciunt; hæc, ubi respiratione iterum attrahuntur, circulum sanguinis citatiorem reddunt, & citiorem Effectum pollicentur. Ob similem vim, commovendi sanguinem, omnia Calida, largius assumpta, etiam juscula,

C

la,

la, potus Theæ, &, quæ virtute calefaciendi gaudent, ut vinum generosum, sudorem in dispositis facili negotio eliciunt.

XIII.

Non minus Medicamenta, inter externas Causas, locum inveniunt, in primis Spirituosa, & sale volatili copioso pollentia, atque sulphurea, quæ ob effectum, quem edunt, sudorifera nominantur. Operantur hæc medicamenta potissimum, ob vim suam absorbentem, incidentem, & attenuantem, mediante qua lympham in sanguine fluxilem reddunt, partes acidas absorbent, & eas incidendo commovent, atque ad evacuationem disponunt. Resolvunt etiam ipsam massam sanguineam, & eius circulum promovent, atque lympham nervorum excitant, & serosas magis sanguinis partes fundunt, & liquant, atque ad corporis ambitum propellunt. Faciunt vero hoc, non tantum salia volatilia, sed & fixa, alcalia, & absorbentia plurima alcalina, atque, ex regno vegetabili, multa amara, odorata, quorum plurima sale volatili una abundant, & bezoardicis annumerantur. Talia sunt, radix angelicæ, carlinæ, zedoariæ, valerianæ, enulæ, &c. et, quæ ex his conficiuntur, Tincturæ & essentia. Inter
volatilia

volatilia primo loco nominanda est camphora, quæ partibus sulphureis purioribus, & salinis volatilibus copiosis abundat, item sal volatile cornu cervi, viperarum, urinæ, fuliginis; spiritus salis ammoniaci, cornu cervi, urinæ, fuliginis, salia volatilia oleosa, spiritus bezoardicus Bussii, liquor cornu cervi succinatus, sal volatile succini, & inde composita. Similem edunt effectum antiscorbutica plurima, ob sal volatile suum acre, qualia sunt, cochlearia, nasturtium, Raphanus rusticanus, fumaria, hepatica nobilis, semen sinapios, radix Ari, & ipsa Ligna, sanctum, santalum, Sassafras, Sarsaparillæ radix &c. Inter fixa alcalia primo loco sunt nominanda, Sal Fumariæ, Cardui benedicti, Absinthii; Centaurii minoris &c. quæ acidum, in primis viis & Massa sangvineæ, quod humorum motum remoratur, absorbendo, circuitum sanguinis restituunt. Idem faciunt absorbentia Alcalina, quorum aliqua Sale volatili copioso pollent, & terrea quoque, & cinnabarina. Talia sunt Cornu Cervi Philosophicum, Lapidés Cancrorum, Ebur sine igne, Cranium humanum præparatum, Unicornu animale, ungula alcis, & plurimorum animalium cornua, ossa, atque ungulæ, item corallia, perlæ, mater perlarum, terra sigillata, lemnia, bolus armena; cinnabaris nativa, & antimo-

nii, lapis bezoar, pulveres bezoardici, Sennerti & aliorum, epilepticus, marchionis, Pannonicus ruber, specificum Cephalicum Michaelis, & opiata rite parata, cum laudatis mixta; quæ omnia in dispositis, si aer externus ambiens rite sit temperatus, in casu necessitatis faciunt officium.

XIV.

Hæc Medicamenta sicuti Sapientissimus Conditor, non frustra, sed in solatium humanæ miseriæ, creavit; ita organa quoque excretoria illa, per quæ sudor profluit, eum in finem formavit, ut plurimorum morborum semina, per hæc cutis spiracula, nobis vix advertentibus, & sine gravi molestia, possint exhalare. Magnum enim sudor vitæ & sanitatis est præsidium, in omni abundantia ferri superflui, ejusque impuri, & excrementitii, quod solo sæpe corporis & membrorum decenti motu sequestratur. Nec tantum lymphæ vitia corrigit, sed & recrementa salina & sulphurea, quæ sanguinis massam inquinant, & in motu turbant, lymphamque nervorum ad actiones naturales peragendas idoneam reddunt, imminuit, & a sanguinis commercio excludit. Dicata etiam sunt sudorifera viscidæ, lymphæ & sanguinis, constitutioni, quo nomine in multis morbis chronicis locum habent,

habent, modo serum non nimium in toto defideretur, & vires consentiant. Inprimis errores, circa cibi & potus quantitatem commissos, egregie emendant, expellendo & absumendo partes superfluas, & hoc ipso obstructions præcavent, & circulum sangvinis custodiunt. Conservant itaque non tantum valetudinem integram, sed & morbis labefactatam sæpe restitunt, & quodammodo inter remedia universalia sunt referenda. Turbatam etiam sangvinis mixtionem restitunt, ut sine illis vix curentur continuæ, inflammationes, & dolores graviores, inprimis arthriticorum, ut & tumores, ob quam rationem Mechanici, & qui in agricultura se exercent, communiter non adeo frequenter affectibus nominatis, ac Eruditi, & qui vita sedentaria delectantur, corripuntur. Quicunque igitur hæc, & plura alia mala vitare cupiunt, & inprimis a Corpulentia nimia sibi metuunt, & catharrhis laborant, vel Cachexia, aut Hydrope, illi transpirationem liberam & sudores non negligant, potissimum, si sint plethorici, quia plurima humorum vitia his ipsis corriguntur, & ipsius Animæ operationes ab iisdem exaltantur. Quia enim corporeis vinculis immersa jacet illa divinæ auræ particula & cogitans substantia, ideo non, nisi partibus cor-

C 3

poris

poris nostri, potissimum fluidis, rite dispositis, recte operatur. Quo magis igitur nitidæ, puriores, & ad naturalem motum eadem sunt idoneæ, eo liberior earundem motum percipit, & eo promptius lymphæ nervorum ejusdem mandatis & motionibus obsecundat: ipse itaque ingenii vigor ab his excretionibus ex parte pendet, modo pro ratione totius sint moderatæ, quia omne nimium naturæ est inimicum.

§. XV.

Qui enim nimium sudoribus diffluunt, quod a pororum cutis nimia dilatatione, & lymphæ totius acrimonia, ac nimia mobilitate oritur, illi partes nutritias quoque excernunt, ex quo sudores colliquativi exsurgunt, qui Hecticam & Marasmodum inducunt, potissimum in siccoribus, & tenerioribus. Molesti hi ipsi communiter sunt phthysicis, & vires mire imminuunt, atque in continuis quoque si excedunt, non carent periculo, licet in madore & moderato sudore consistat salus eorum, qui cum febribus continuis, malignis, & ipsa peste conflictantur. Non itaque sæpius exhibeantur sudorifera, nisi ubi nimium abundat serum; non repetantur nimium, imprimis magis activa; non protrahatur diutius sudor ad plures horas, quod olim faciebant; cum sanguis inde nimium inspissetur, & robusti ac bene sani, ab excessu harum, quandoque syncope corripiantur, & scorbutici evadant, atque virium magnam jacturam patiantur. Ad colliquativos sudores re-

referendi quoque sunt, sanguinei, purpurei & omnes, qui cum magno virium lapsu conjunguntur, unde in horum curatione, eodem fere modo est procedendum, ut terrea cum absorbentibus, temperatis & leniter adstringentibus atque gelatinosis exhibeantur. Reliqua sudorum vitia, ubi ratione coloris, odoris & consistentiæ a statu naturali recedunt, & modo flavus, modo coeruleus, ater & viridis fuit observatus, qualem Borellus quoque vidit Cent. II. obs. 56. modo foetidus, arenosus & verminosus effluxit, ut plurimum antiscorbuticis & sanguinem purificantibus, amaris etiam & absorbentibus, atque decoctis lignorum corriguntur, & nunquam temere sunt sistendi, nisi ea, quæ causam eliminant, sufficienter fuerint propinata. Probe etiam in Praxi est observandum, quod pestis tempore sudorifera præservandi fine non habeant locum, quia, juxta Diemerbrœckium, qui pestis tempore sudant, & Aëri libero se exponunt, ut plurimum celerrime peste corripuntur. Ob poros enim, tunc magis patentes, malum publicum, in Aere hærens, facile intra corpus recipitur, & sanos humores inquinat, potissimum, quia vires simul imminuntur.

XVI.

Sicuti vero nocent sudores, si excedunt, vel non in tempore proliciuntur; ita quoque eorum defectus, & si sudorifera plane omittuntur, præ aliis nocet, in Cachexia, hydrope, & plurimis tumoribus serosis, qui non facile, sine hac excretionem, extirpantur. Quia vero in his affectibus difficilius fluit sudor, ob spasmodicam pororum Cutis & tubulorum sudoriferorum con-

contractionem, & Lymphæ excrementitiæ lentorem, ideo ibi magis activa, salia volatilia & fixa, sunt exhibenda, & in largiori dosi propinanda, sæpiusque repetenda.

XVII.

Monendi etiam sunt ægri, & omnes, qui sudoriferis utuntur, ut non statim, post sudorem, corpus aeri liberiori, potissimum frigido, objiciant, aut, inter sudandum, potum, inprimis frigidum, largius assumant, vel alimenta, statim post sudorem, ingurgitent. Turbant enim hi errores circulum sanguinis, & Febres continuas, atque pleuritidem, excitant, & utplurimum in detrimentum Oeconomiae animalis instituuntur.

DEO SIT LAUS ET GLORIA.

